



朱浮字叔元蕭人初從光武為大司馬王漙遷偏將
軍從破邯鄲拜大將軍幽州牧守薊城遂討定北
邊建武二年封武陽侯浮年少有才能頗欲厲風
迹收士心辟召州中名宿以為從事及故吏皆引
置幕府乃多發諸郡倉穀廩贖其妻子漁陽太守
彭寵不從其令浮以峻文詆之寵積怨遂舉兵攻

徐州府志

卷二十

人物

一

蕭

浮浮以書質責之寵得善愈怒攻浮轉急明年涿
郡太守張豐亦舉兵反浮上疏請救詔不從城中
糧盡人相食乃遁走帝以浮代賈復為執金吾徙
封父城侯帝以二千石長吏多不勝任微過輒斥
罷浮因日食上疏諫自是牧守易代頗簡又言國
學既興宜廣博士之選帝然之轉太僕二十年代
竇融為大司空二十五年徙封新息侯永平中賜
死

陳宣字子興沛國蕭人剛猛性毅博學明魯詩遭王
莽篡位隱處不仕光武即位徵拜諫議大夫建武

十年雒水出造津城門校尉奏欲塞之宣曰昔周公卜雒以安宗廟爲萬世基水不當入城門如爲災異人主過而不可辭塞之無益昔東郡金堤大決水欲沒郡令吏民散走太守王尊亡身勅以佇立不動水應時自消尊人臣尚修正弭災豈况朝廷中興聖主天所挺授水必不入言未絕水去上善其言後乘輿出宣列引在前行遲乘輿欲驅鈞宣車蓋使疾行御者墮車下宣諫曰王者承天統地動有法度車則鳴鸞步則佩玉動靜應天昔孝文時有獻千里馬者還而不受陛下宜上稽唐虞

下以文帝爲法上納其言遂徐行按轡遷爲河堤

謁者以病免卒於家

漢書 謝承後

劉矩字叔方蕭人叔父光順帝時爲司徒矩少有高

節舉孝廉爲雍邱令以禮讓化民其無孝義者皆

感悟自革後太尉胡廣舉矩賢良方正四遷尚書

令性亮直不能諧附貴勢以是失大將軍梁冀意

出爲常山相以病去官起補從事中郎復爲尚書

令遷宗正太常延熹四年代黃瓊爲太尉瓊復爲

司空矩與瓊及司徒种暉同心輔政瓊爲賢相靈

帝與諸郡交

通順辭默諫多見省用以日食免卒於家

南北朝宋

劉粹字道冲沛郡蕭人家在京口從宋武帝寇京城
征廣固以功封西安縣五等侯累遷中軍諮議參
軍奉文帝鎮京口後爲江夏相族兄毅貳於武帝
粹獨盡心於武帝以佐命功封建安縣侯文帝卽
位爲雍州刺史初粹與謝晦善及元嘉三年受命
南討一無所顧粹族弟損字子騫衛將軍毅從父
弟也父鎮之字仲德以教貴顯聞居京口未嘗應
召常請毅汝必破我家毅甚畏憚未嘗以華儀入
鎮之門以左光祿大夫徵不就卒於家損元嘉中
爲吳郡太守室閭門便入秦伯廟時廟室頽毀垣
墻不修損愴然曰清塵尚可髣髴衡宇一何摧頽
卽令修葺卒贈太常

劉伯龍損同鄉家入少貧薄及長歷位尚書左丞少
府武陵太守貧窶尤甚嘗在家慨然召左右將營
十一之方忽見一鬼在傍撫掌大笑伯龍歎曰貧
窮固有命乃復爲鬼所笑也遂止

宋

貧汚蕭人爲光澤主簿喜儒學招賢士以教子姓出

已貫以建縣學嘗於聖泉上構拱翠堂延四方名
人晁補之爲作記卒祀鄉賢

元

楊惟良蕭縣人官至中奉大夫甘肅行省參政封弘

農郡侯見明一統志

傅汝礪蕭人爲陝西諸道行御史臺監察御史後遷

浙江廉訪司僉事文章典茂爲時所稱舊志

劉福蕭人養親竭力居喪苦塊旬粥三年如舊志

明

薛顯蕭人元末趙均用據徐州以顯爲元帥守泗州

徐州府志

卷二十

人物

四

蕭

均用死以泗州來降授指揮從大都督朱文正守

南昌陳友諒來攻顯固守有功擢江西行省參政

從徐達等收淮東遂伐張士誠與常遇春攻湖州

別將游軍取德清攻昇山寨士誠遣其五太子盛

兵來援遇春與戰小卻顯奮擊敗之五太子及朱

暹呂珍等以舊館降遇春謂顯曰今日之戰將軍

功遇春弗如也五太子等既降吳人震恐進圍蘇

州吳平進行省右丞命從大將軍徐達取中原瀕

行太祖諭諸將謂薛顯傅友德勇冠三軍可當一

面進克山東還收河南遂率馬步舟師克元都淮

征山西八關中敗擴廓於寧夏復與徐達會
平京破慶陽斬張良臣退賀宗哲於六盤山逐
虜於塞外洪武三年大封功臣以顯擅殺胥吏獸
醫馬軍及千戶吳富而數其罪封永城侯弗與券
謫居海南三分其祿一以贍吳富及所殺馬軍之
家一以給其母妻踰年召還子世券食祿千五百
石復從征漠北二十年征降納哈出還次山海關
以疾薨贈永國公諡桓襄無子弟綱幼二十三年
追坐胡黨爵除

王真蕭人元季爲淮安軍將吳元年從克平江爲和

徐州府志

卷二十

人物

五

蕭

陽衛正千戶從征中原下益都濟南諸路平河南
山陝皆有功洪武三年以取沔州功陞衡州衛指
揮僉事歷調常德金齒五開諸衛進指揮同知世
襲後又調泰州衛真少壯從征歷官數十年能無

過愆

見邑志

高遜志

一作吳志

字士敏蕭人元末僑寓嘉興幼嗜學嘗

待父游吳中受業於貢師秦周伯琦鄭元祐爲文
深純典雅成一家言年二十五以薦爲鄧山書院
山長洪武二年徵修元史入翰林爲編修累遷侍
講學士十五年試吏部右侍郎尋以事謫胸山建

文初召爲太常寺少卿時修太祖實錄遜志爲副
總裁官三年與董倫爲會試主考官得士如玉良
胡靖吳溥楊子榮金幼孜楊溥胡濙顧佐輩皆爲
名臣燕師人存歿無可攷或云後賜諡文忠弟正
志字士表濮州同知以清慎見稱舊志按錢謙益序高氏家傳云成祖入靖內難或云與志遁去不知所終或云盛庸兵敗與志自縊死以衣冠歸葬嘉興文忠之諡載在嘉興府志或云建文時特諡或云景泰時禮部胡濙請之實錄無徵野史錯迕莫可考據其不
屈節而死則無異辭也
通志謂遜迹瀟瀟山中

孟讓字尚德蕭人洪武初以薦授驛丞歷遷貴州左
布政使有惠政得夷民心秩滿乞畱成祖詔增秩

徐州府志

卷二十

人物

六

蕭

還任後致仕歸卒

讓洪武中爲漢陽府推官有忠直廉幹之才見湖廣通志

歐陽股蕭人洪武初以懷材抱德薦授戶部主事弟

耳以賢良方正薦授貴池縣丞

郝鐘蕭人洪武初以懷材抱德薦歷甘泉井陘知縣

遷嘉興通判所至多惠澤

劉儼字若思洪武中由國子生爲慈利縣丞以薦就

遷知縣廉惠益著尋以疾歸儼好學明經義蕭令

郝玘爲建易安書院聚徒授講學者宗之

朱信少穎拔弱冠領宣德乙卯鄉薦爲浦江學訓導

遷在平教諭朴素清介常捐俸以濟諸生

御史畢亨京兆尹白良輔輩皆出其門

李鉞字廷器蕭人正統中以歲貢爲浙江温州同知
海寇抄掠瑞安羅洋諸邑鉞往勦獲其渠魁寘之
法餘脅從者招撫復業以功增秩歷知開封鞏昌
二府所在有惠政

孫諲成化中由國子生仕爲吏部司務遷工部員外
郎所居稱職在官二十五年致政還家恒躬驅驢
負薪山澤間惡衣糲食終身

南真蕭人早孤事母孝母卒廬墓三年彭討見父症
亟醫療弗效判股以進父尋愈

徐州府志

卷二十一

人物

七

蕭

南傑蕭人密治時以孝行旌

唐鸞蕭人天性篤孝父母相繼卒居喪如禮及葬廬
墓三年密治十五年旌表

楊銳字進之蕭縣人嗣世職爲南京羽林前衛指揮
正德初以才推掌龍江右衛事督造漕舟於淮
寧王宸濠有異謀王瓊以安慶居要害宜置戍乃
進銳署都指揮僉事守備其地銳治戰艦日督士
肄水戰十四年宸濠反賊舟奄至安慶城下銳與
知府張文錦等晝夜拒戰多所殺傷賊悉兵至號
十萬舳艫相銜六十餘里宸濠身自督戰攻圍益

急銳等盡力捍禦又募死士夜劫賊營宸濠慚
會聞伍文定等破南昌遂去旬有八日而圍解事
聞武宗大喜擢銳叅將分守安徽池太寧國及九
江饒黃銳薦鄭岳胡世寧帝卽召用世宗立論功
擢都督僉事蔭子世千戶再遷僉書左府改南京
右府充總兵官鎮遼東改督漕運鎮淮安嘉靖十
年爲巡按御史李循義劾罷踰年卒見明史
王業蕭人舉嘉靖十九年鄉試授永平知縣政尚平
恕而能遏抑豪右擢御史權貴憚之

孫應奎字天瑞蕭人力農事母甚孝母病思甜瓜甚
四月未實應奎奔號忽從野蔓獲之母食病愈

劉鑛蕭人甫十歲父有疾對天泣禱鄉人異之及
母病鑛夜祈北斗願以身代大風卒至揚沙走
燭終不滅母亦尋愈後由太學生爲徽府審理

蔣仕蕭諸生父母歿皆廬墓三年不歸雖妻子饑
弗恤有慶雲見於山隅人共指爲孝感後以貢三
任教職清操愈勵每日吾求無忝於所生也卒

鄉賢

潘廷恩蕭人幼孤力耕養母訓二弟皆成立母歿
慕啖蔬三年

岳鍾靈蕭人父歿念母老不敢廬墓於堂外設主朝夕哀奠三年不入私室

任逮蕭人事親以孝聞父歿哀痛踰禮結廬於墓日必致奠而泣聞者傷之御史毛復親造其廬慰勞之服闋以選貢授樂亭丞遷蘄州經衛以廉幹稱李紹芳字芝亭蕭人好學嗜書廬父母墓六年後爲雲南永昌通判攝保山縣事一判一牒悉出于裁晚益好書築共學臺於東山昕夕往還跨一疲馬童子負笈從之時手持一卷於馬上披閱所著有心學水鑑續高士傳

徐州府志

卷二十

人物

九

蕭

賈復淳字允升蕭人家貧每負笈游學於梁碭間以貢試吏部第一授湖廣通城知縣蒞政嚴明時稱神君所著有政書

許作楫字二濟蕭人好讀左氏春秋莊子離騷善屬文所著有春問亭集易艸四書解毛詩正韻說文堂字說居嶂山芙蓉湖上蕭然高寄人稱畫岩先生

彭縉字北田蕭諸生工文詞蕭令康煒修邑志皆其手訂所著有忠孝經解姓氏源流又精醫術著藥性書又同邑諸生任汶字近曾亦通工史好爲古

文詞晚謝經生業優游泉石壽九十四

吳惟字任宇蕭人偉幹修髯襲羽林衛指揮歷三十餘年晚告歸睦族親隣樂施予嘗助役作長縷二堤爲鄉閭保障邑人德之卒年九十

許詢字問芻蕭人氣體端凝詩書外無他嗜好天啟初選貢入京馬世奇吳楨諸人交相賞識尤精周易尚書每爲弟子說經語出如注疏聽者競相傳寫丙子死寇難門人私謚之曰文端先生

往亞龍字霖與蕭人以歲貢廷試上疏請遷蕭城爲部議所格爲六合訓導課士有法蕭罹寇亂所殺

徐州府志

卷二十

人物

十

蕭

戮以萬數亞龍檢其無主者聚而掩之詔旌其閭朱自華字東明蕭人好讀書兼精醫術授太醫院判逾年歸里施藥濟衆所著有擊壤集樵父吟醫書簡要

陳我謀蕭人幼習兵法天啟三年黔酋安邦彥叛督師王三善聞我謀各徵以從行累立奇功授電光營參將後戰於大方三善陷重圍我謀磨騎馳援遂與俱沒貴撫梁炳以其事聞熹宗命廟祀黔土許元字子又蕭人好奇自負爲文有聲嘗之京師與張溥蔣鳴玉楊廷樞諸人游咸稱其才卒不遇而

死詩格道上作字亦奇矯古文詞及小札俱氣體
高妙有赤石居稿

孫重盛字紹中蕭人廬墓三年有司旌其廬

趙森蕭人目不知書天性至孝家貧貿易養親甘脆
不置

王可鄰蕭人父歿廬墓朝夕哭邁疾垂死妻蔣氏隨
姑往視知夫不起遂先自縊可隣隨歿夫婦同棺
葬焉事聞旌表

王堆蕭人父病思肉食堆判股進父病愈終亡廬墓
三年不輟哀泣蔬食終身

梁世彥蕭人爲吏謹懋繼母病危有道士過其門遺
藥一丸曰此神効但須人肉作引汝有孝心割股
可也彥如其言母病果痊

王基貞字亨甫蕭人精騎射善火攻法崇禎九年春
賊薄城基貞率兄弟分守南隅賊踰城上輒手刃
之次日風霾作城潰西北賊入猶率衆巷戰衆寡
不敵遂遇害

任如龍字霖蒼蕭人剛介自守丙子城陷賊執其父
母將加刃如龍奮身捍衛呼曰寧殺我無害我八
旬父母賊竟害如龍舍其父母督學倪以其事聞

賜坊旌表併祀鄉賢

時諸生與難者五十一人附
饗學宮姓名已列祀典茲不

載

郝惟聰字翼明蕭人流賊破城惟聰負母匿於學東
庶賊搜獲之乞以身代母賊憐其孝舍之去遇他
賊又被執挾至清水河度不能脫投水死焉

縱四通字開之子日升字天際父子俱為諸生丙子
之變父子登陴守禦城破俱不屈死又朱道光字
可大生而穎異讀書目數行俱下弱冠入學有文
名丙子流寇蕭奮身守陴城陷死之御史上其
事俱從祀鄉賢

徐州府志

卷二十

人物

十一

蕭

郭復性字繼善郭復初字見心俱蕭人並以守城死
難被旌表

李荷壽蕭人幼孤勤學寇至與縣令議城守跨馬巡
城日夜不休城破投濠死

歐陽復蕭人襲武功右衛指揮使回籍家居崇禎十
年流寇躡徐叅議徐標舉復領鄉兵當一面八月
與賊戰被執不屈死之標弔以詩有白刃斷喉難
斷義黃沙埋骨不埋名之句

吳洪謨蕭諸生流寇圍城洪謨日夜守陴城潰父子
咸及於難

梁道字廓如蕭諸生崇禎十五年袁寇圍城佐縣
令守北門城破猶手殺賊後賊來益衆遂見害同
死者有戴奮翼字雲程亦蕭諸生賊入城奮翼被
執賊異其貌欲降之不屈奮置賊怒亂刃其首而
死

朱賢政蕭人幼讀書好騎射崇禎十六年應將材選
授守備領後營分防徐邳河口甲申移駐虞城
遣人關有安撫兩河各寨功晉分防泗盱遊擊軍
政嚴明爲一方保障之西四月大兵南下城破死

吳存忠字敬生

徐州府志

卷二十一

三

蕭

補末土寇起蕭以
山爲穴鳳撫朱大典屬
存忠招撫時
志草騎入其壘開示禍福
降數千人明亡遂隱
仕輕財好施篤於故舊被
周卹者不可數

本朝

徐靄字雲蒸蕭縣人由拔貢爲浮梁知縣修學宮平
蜈蚣山寇未幾乞歸所著有鶴山集

顓孫佐聖字悅孔以恩貢考選推官改授知縣初治
峽江再治泰和遷和曲州皆有政聲以終養歸

郝鍵蕭人博學嗜古由歲貢爲雲間訓導修學宮濬

玉帶河轉武進縣教諭士服其教年七十致仕歸
章得簡字簡臣早失恃事繼母以孝聞性好施遇族
黨不能婚嫁殯葬者咸資助之歲凶里中賴周濟
者甚衆應試都門遇人資斧告匱卽解橐以贈寓
寺有僧母没入官出重錢贖之以歲貢任宿遷教
諭修學數百金悉出已囊又蠲資設粥賑饑躬往
監視蒞任五載勤於課士講學無虛日卒於官諸
生皆哭送於河滸今祀名宦

陳開先字青門蕭縣監生爲人坦易樂濟人之厄河
北有別墅明季寇亂邑人士避地多依之四方來
蕭者率至其家及卒鄉人悼之

王基寧字一甫父歿廬墓丙子寇陷蕭基寧率兄弟
巷戰擁母出重圍子欽典性至孝基寧病篤禱天
請以身代及歿以哀紗卒

朱鑲蕭諸生家貧博學事父母以孝聞明末遭寇亂
冒死救親避難彭城夜讀書晝樵汲以供薪水父
母病專治醫遂精其道每煎藥必親嘗焚香露禱
求以身代親疾遂愈順治十五年旌表

任國珍字

好義急人之難未嘗
不待以舉火歲以爲

第從孫爾幼孤而于他族訪得之...
就獎勸尤足為宗黨法擇族人子弟聽...
諸塾給以日用以此爭相淬厲...
急難無所訴每念國鏗輒歎泣下曰此屋...
矣長子觀瀆次允溫次企清皆太學生

任觀瀆字子登父國鎮順治辛卯舉人歷長洲訓導
青浦江都教諭入為翰林待詔以名德稱觀瀆登
康熙己未進士知長興縣革耗寬刑繕城興學築
方山謝公二區以免水患巨奸結上官為邑害廉
得其狀寘之法居六載擢江西道監察御史屢陳
時弊出為漕商叅議以親老乞歸

徐州府志 卷二十 人物 五 蕭

縱錫丸字苞舉由貢生授例官潯州府同知天性孝
友好善樂施創宗祠設義塾賙恤窮乏常焚通券
數百金鄉人德之

王源德好善樂施子任蕪湖縣學訓導損貲修葺學
宮遇寒士推解不倦以終養告歸至今士子思之
子侍梅捐千金修蕭學又捐田二頃入雲龍書院
皆承父志也

徐豫字柳次歲貢生候選訓導天性孝友事二親能
養志喪葬哀毀日立撫六歲弟成立族弟七歲而

中屠嘉梁人以材官蹶張從高帝擊項籍遷爲隊率
孝惠時爲淮陽守孝文時以御史大夫代張蒼爲
丞相封故安侯嘉爲人廉直門不受私謁時大中
大夫鄧通方愛幸嘉入朝而通居上旁有怠慢之
禮罷朝坐府中召通詣丞相府嘉責曰夫朝廷者
高皇帝之朝廷也通小臣戲殿上大不敬當斬通
頓首首盡出血不解帝使使持節謝嘉乃免景帝

二年晁錯爲內史貴幸用事諸法令多所變更嘉
疾錯會錯擅穿宗廟垣爲門奏請誅錯帝謂錯無
罪罷朝嘉謂長史曰吾悔不先斬錯因嘔血而死
謚爲節侯

樂布梁人彭越爲家人時嘗與布游窮困賣傭於齊
爲酒家保數歲別去布爲人所畧賣爲奴於燕爲
其主報仇燕將臧荼舉以爲都尉及荼反漢擊燕
虜布梁王彭越聞之乃請贖布爲梁大夫使於齊
未反漢召彭越責以謀反夷三族梟首雒陽下詔
有收視者捕之布還奏事彭越頭下祠而哭之吏

捕以聞上召布罵曰若與彭越反耶吾禁人勿收若獨祠而哭之與越反明矣趣烹之布顧曰願一言而死上曰何言布曰方上之困彭城敗滎陽成臯間項王所以不能遂西以彭王居梁地與漢合從苦楚也且垓下之會微彭王項氏不亡天下已定彭王剖符受封亦欲傳之萬世今反形未見以苛小案誅滅之臣恐功臣人人自危也彭王已死臣生不如死請就烹上乃釋布拜爲都尉孝文時爲燕相吳楚反以功封酈侯燕齊之間皆爲立社號曰樂公社

丁寬字子襄梁人初梁項生從田何受易寬爲項生從者讀易精微才過項生遂事何學成何謝寬寬東歸何謂門人曰易已東矣寬至雒陽復從周王孫受古義號周氏傳景帝時寬爲梁孝王將軍距吳楚號丁將軍作易說三萬言

田王孫梁郡碭人從同郡丁寬受易爲博士後以其業授施讐孟喜梁邱賀繇是易有施孟梁邱之學魯陽陽人魯中公弟子傳其業爲東海太守治官民有廉節稱

焦贛字延壽梁人貧賤以好學得幸梁王王共其資

規令極意學既成爲郡史察舉補小黃令以候司
先知姦邪盜賊不得發愛養吏民化行縣中舉最
當遷三老官屬上書乞留詔許增秩留任卒於小
黃延壽精於易京房受之爲京氏學

戴德字延君弟聖字次君梁人事后蒼受禮德號大
戴爲信郡太守聖號小戴以博士論石渠至九江
太守由是禮有大戴小戴之學

橋仁字季卿梁人與同郡楊榮從小戴受禮仁仕爲
大鴻臚榮仕爲琅琊太守由是小戴有橋楊之學
陳翁生梁人與平當受歐陽尚書於濟南林尊爲信

徐州府志

卷二十

人物

六

陽

都太傅家世傳業由是歐陽尚書有平陳之學翁
生授琅琊殷崇楚國龔勝

周慶字幼君丁姓字子孫皆梁人從魯榮廣受穀梁
春秋宣帝時選郎十人從蔡千秋受穀梁學會千
秋病死徵江公孫爲博士江博士復死乃徵慶姓
二人待詔保宮使卒授十人積十餘歲皆明習自
是穀梁之學大盛慶與姓皆爲博士姓至中山太
博

蕭秉字君房梁人從清河胡常受江博士穀梁春秋
新莽時爲講學大夫

審忠字公誠梁人靈帝時爲郎中上書言宦官朱
等罪惡後辟公府

五代梁

朱全昱碭人梁太祖兄也太祖將受禪有司備禮前
殿全昱視之顧太祖曰朱三爾作得否太祖燕居
宮中與羣臣飲博全昱酒酣取骰子擊盆而迸之
呼太祖曰朱三爾碭山一百姓遭逢天子用汝爲
四鎮節度使於汝何負汝滅唐家三百年社稷吾
將見汝赤其族矣安用博爲太祖不悅罷會全昱
亦不樂在京師嘗居碭山故里按舊志凡梁宗室
俱載入未免過濫

徐州府志

卷二十

人物

五

今依通志止
錄全昱一人

元

曹伯啟字士開碭山人弱冠從東平李謙游篤於問
學至元中以薦擢西臺御史累遷刑部侍郎丞相
鐵木迭兒專政多所作威伯啟惟執法不阿八番
帥擅殺起邊釁命伯啟往詰其事伯啟恐兵往致
亂乃遣令史往喻備得其情奏坐前帥擅殺罪邊
民以安大同宣慰使法忽魯丁撲運嶺北糧歲數
萬石肆爲欺罔累贓鉅萬朝廷遣使督徵前後受
賂皆反爲之游言最後伯啟往其人已死喻其子

弟曰負官錢雖死必徵與其納賂於人曷若償之於官第條汝父所賂之數官爲徵之諸受賂者皆懼而潛歸賂於其子爲鈔五萬緡民之逋負而可理者卽列上與免之延祐五年遷司農丞奉至江浙議鹽法伯啟所議皆著爲令英宗立拜賢學士御史臺侍御史遷浙西廉訪使泰定初仕優游鄉社碭人賢之表所居爲曹公里伯訖莊肅奉身清約在中臺所獎借名士尤多天麻中屢召不起天下高之所著有詩文十卷漢泉漫藁續集三卷行世六子十孫皆顯仕

徐州府志

卷二十

人物

三

碭

曹甫碭山人博學能文累官陝西諸道行臺御史中丞卒贈魯郡公諡文貞

韋信碭山人性儉素事二親孝每朝夕供膳必俯伏四拜而後退人問其故答曰父母之恩終身難報跪拜何勞有司以聞至元間被詔旌其門

成克敬字簡卿碭山人以學行聞於時與虞集趙孟頫爲友由歸德軍判官轉國子監典籍卒贈朝列

大夫追封上谷郡伯

見明一統志

許義夫碭山人爲夏邑縣尹每親詣鄉社教民稼穡見民勤者賞之惰者罰之三年之間境內豐足後

爲豐邱尹至正四年大饑羣盜抄掠州縣義夫聞
賊至近境乃單馬山郊迎之見賊力言豐邱邑小
民貧皆已驚竄幸無人吾境言辭愿欵賊遂他往
民得免於難

明

傅友德其先宿州人後徙碭山從太祖擊破陳友諒
於鄱陽湖從征武昌一鼓奪高冠山從徐達下淮
東破張士誠同陸聚守徐州擴廓遣將李二來攻
再戰敗之擒李二進江淮行省參政從取山東定
汴洛克元都下山西襲敗擴廓遂定陝西以功封

徐州府志

卷二十

人物

三

碭

、潁川侯壽克征虜前將軍與湯和分道伐蜀率諸
軍潛出陳倉連拔階文漢州遂克成都明昇旣降
太祖製平蜀文稱友德功爲第一後拜征南將軍
討雲南蠻地悉平進封潁國公子世券友德暗啞
跳盪身冒百死自偏裨至大將每戰必先士卒雖
被創戰益力以故所至立功二十七年賜死福王
時追封麗江王諡武靖

劉益碭山人元末爲遼陽行省參政順帝北走益屯
益州保金復等州洪武初遣斷事黃儔齎詔諭益
益籍所部兵馬錢糧輿地之數來歸授遼陽指揮

何知朱幾元平章洪保保馬彥輩合謀殺益帝遣
都指揮馬雲諭祭仍歸其喪礪山

黃正礪山人氣質剛方言語必信居家以孝聞洪武
中爲邑吏以直言徵奏對稱旨擢右僉都御史彈
劾不避權勢後廷旨黜爲英山縣吏會金山寇叛
求能討平者或以正子琰聞徵琰至對曰臣年幼
才弱不如臣父遂復以正爲右僉都御史卽日渡
江募勇敢士得十萬餘人遂討平之轉左僉都御
史又討雲南叛夷亦降還至普安爲賊創傷卒

張宏礪山人天性孝友勤於問學永樂中由國子生

徐州府志

卷二十

人物

三

礪

爲開封府同知遷戶部郎中律已廉潔苞苴未嘗
一至其門出知荊州府政務旣平所守益勵門絕

私謁人號閉戶張

明一統志

陳敬礪山人有武畧永樂中以戰功官至中軍都督

僉事出鎮山海永平法令嚴明軍民懷服

明一統志

李穩字邦泰礪山人正德三年進士知仁和縣治最

擢御史以觸權貴落職歸嘉靖初起爲浙江按察
僉事吏事精確聲望屹然尋乞終養歸居鄉恂恂
稱長者

張倫礪山人以歲貢生爲項城教諭僚友有夫婦借

卒於任者無子遺一女遺那克爾倫爲治
後捐貲嫁其二女再遷陳州學正子趙

趙紳礪人居鄉以孝弟稱家素貧不務取
歲貢爲濟源訓導在官常往行取

後時有詔下河南祭濟瀆廣運漕白
被首推濟人刻石以紀其事

紀旻礪山諸生童子時讀書務力行念
之父母出入恒佩一青囊每落瓜
且喪結廬墓側日三頁土積三年塚
雀來巢之異

徐州府志 卷二十七

趙光燾礪山人性孝友言動有法
葬廬墓側朝夕哭奠負土封樹後
卒復廬墓

張拱辰礪山諸生嘉慶三十二年軍
行劫掠拱辰父文淵力衛鄉曲賊
見父中創赴闕死

邵良礪山諸生父早歿事母甚謹
劇差及卒廬墓三年及嘗貢謝歸
拙漫稿

邵宗元字景康礪山人崇禎中由恩貢
生歷保定

同知有治行李自成陷山西將犯京師畿輔震動宗元時攝府事亟集通判王宗周推官許曰可及鄉官張羅彥等糾鄉兵得二千人城守賊陷京師遣其黨投書誘降宗元手裂之會督師大學士李建泰部率殘卒叩城求入宗元初不許不得已納之賊攻急建泰欲得宗元印文牒以降賊宗元大哭數建泰身爲將相喪心負國罪引刀將自刎左右急止之賊攻益力城陷建泰出降宗元挈印投城下賊執之欲奪其印宗元固不與遂見殺旣死猶手持印不解賊斷兩指乃取以去

王治邦碭山民驍勇善騎射爲邑令出探賊至夏邑界賊大至圍之愛其壯誘之使降治邦大罵奮起搏擊賊共攢刺之至死罵不絕口賊怒磔其屍又有吏杜繼宗善用長戟嘗獨驅流寇數百人賊皆辟易

本朝

龐宗理碭山人順治二年以拔貢生授信陽州知州州近雞龍諸山爲寇盜藪每出掠直抵城下宗理率衆晝夜守陴賊不敢逼四年署汝南道真陽縣有豪數人聚黨侵暴鄉閭爲一方患宗理按捕立

置於法真陽人立石誌其德

汪廷對字廸宸碭山歲貢生有禦侮才順治初碭邑遭寇亂制府命頒鄉營防禦有狂徒應賊搃邑叛衆議待大兵至協力剪除廷對曰大兵至則玉石俱焚矣宜先撲滅遂率鄉勇進討殲其渠魁餘脅從者悉釋不戮制府嘉其能欲薦授以官廷對以養親辭堅不就又嘗修聖廟及城角樓敵臺有功於鄉子七人後皆顯貴

王子美碭山人事母甚孝嘗有盜夜至擊破母寢門子美挺身語盜曰汝若有仇請卽殺我無傷我母若欲財物櫃匣在是中一人曰彼素有孝名劫之不祥遂散去子大度嘗割股愈母疾

戚价碭山諸生性純孝年二十喪母泣血三年服闋寢食依父膝下閱四十年父卒閉戶守柩如存日子淮碭山人制行忠厚明嘉靖兩舉鄉飲价賓壽逾八旬鄉里悉以孝友稱

王世耀碭山鄉民康熙五十五年三月鄰家失火延燒其廬其母在室內倉卒不得出世耀奮身投火從烈焰中負母而出遠近救者見世耀遍身火光肌肉灼爛悲不忍視俄頃其母氣絕世耀哀慟號

呼而死

豐縣

漢

蕭何沛豐人以文無害爲沛主吏掾高祖爲布衣時數以吏事護高祖高祖爲亭長常左右之高祖起爲沛公何爲丞督事沛公至咸陽諸將皆爭走金帛財物之府分之何獨先入收秦律令圖書藏之沛公以是具知天下阨塞戶口多少疆弱處沛公爲漢王以何爲丞相何進韓信漢王以爲大將軍漢王引兵東定三秦何留收巴蜀鎮撫諭告使給軍食漢二年漢王與諸侯擊楚何守關中爲法令約束立宗廟社稷宮室縣邑計戶轉漕給軍漢王數失軍何嘗與關中卒輒補缺以此專屬任何關中事五年漢王卽皇帝位以何功最盛封爲鄼侯位第一拜爲相國高祖崩事惠帝何素不與曹參相能及何病帝自臨視何疾因問君百歲後誰可代者對曰知臣莫如主帝曰曹參何如何頓首曰帝得之矣臣死不恨矣何買田宅必居窮僻處爲家不治垣屋曰令後世賢師吾儉不賢母爲勢家所奪孝惠二年薨諡曰文終侯

劉權字世畧彭城豐人祖軌齊羅州刺史權少有俠氣後折節好學動循法度開皇中以車騎將軍領鄉典兵從晉王廣平陳進授開府儀同三司十二年拜蘇州刺史賜爵宋城縣公時江南初平權撫以恩信甚得人和煬帝嗣位拜衛尉卿從征吐谷渾留鎮西境在煬五年諸羌懷附後為南海太守會羣盜起詔權討賊營說以利害羣盜感悅一時降附主南海甚有異政數歲遇盜賊羣起羣豪願推權為首權固守拒之予世徹又密遣

徐州府志

卷之十

人物

三

豐

人資書諷令舉兵權召集僚佐對斬其使矢竟無異圖守之以死卒官世徹側儻不羈大業未群雄並起世徹所至見口忘竟為兗州賊帥徐圓朗所殺權從叔烈字子將天儀容有器局位鷹揚郎將子即德威也

宋

李若谷字子淵徐州豐人少孤依姻家趙况於洛下遂葬父母緱氏舉進士補長社縣尉改大理寺丞知宜興縣累遷為京東轉運使會河決白馬調取芻槩同列盧士倫刻擾州縣而若谷寬之士倫不

悅構於朝徙知陝州天聖初判三司戶部勾院
知荆南王蒙正爲駐泊都監挾太后姻橫肆若谷
繩以法監司右蒙正奏徙若谷潭州洞庭賊數邀
商人船殺人輒投一屍水中嘗捕獲以屍無驗每貸
死隸他州既逃歸復攻劫若谷擒致之磔於市自
是寇稍息遷集賢殿修撰知滑州尋知延州州有
東西兩城夾河秋三具水溢岸輒圯役費不可勝紀
若谷乃制石版爲山平押以巨木後雖暴水不復壞
歷知壽州江寧河出用二府改知并州皆有善政進
工部侍郎龍圖閣直學士知開封府事拜參知政

事建言風俗嫩惡在上之人作而新之君子小人
各有其類今一目以朋黨恐正人無以自立矣帝
悟爲下詔論中外以耳疾辭位致仕卒贈太子太
傅諡康靖若谷性資地重政府在政府論議常近寬厚
治民多智慮愷悌愛人其去多見思云

李淑字獻臣若谷子年十二真宗幸亳獻文行在所
真宗竒之命賦詩賜金里子出身試秘書省校書郎
寇準薦之授校書郎館閣校勘乾興初遷大理評
事修真宗實錄爲檢討官書成改光祿寺丞集賢
校理爲國史院編修召試賜進士及第改秘書

郎進太常丞累遷禮部員外郎上時政十議改知制誥歷官翰林學士中書舍人端明侍讀二學士出知河中府卒贈尚書右丞淑警慧過人博習諸書詳練朝廷典故凡有沿革帝多諮訪制作誥命爲時所稱嘗修國朝會要三朝訓鑿等書所著別集百餘卷

李壽朋字延老淑長子慶元初試學士院賜進士出身判吏部南曹使行諸陵奏旨昭憲皇后誕育二聖爲國文母獨以合葬安陵不及時祭請更其禮從之知鳳翔府徐州滄地震壞城郭帑庾朋以席

徐州府志

卷二十

人物

完

豐

爲屋督吏家繕葺未數月復其舊括蕪田三萬頃縱民耕擇其壯者使習兵河方北涌隨塞之故道隄壽朋度必東潰諭居人徙避後三縣四鎮累墊焉司馬光出使薦其能加直使館入直舍人院同修起居注進戶部鹽鐵副使暴疾卒詔中使撫其孥賜白金三百兩

李復圭字審言淑次子慶同初與兄壽朋同試學士院賜進士出身通判澶州歷知渭相涇三州皆有聲績歷湖北兩浙淮南河東陝西成都六轉運使浙民以給衙前後多破產復圭悉罷遣歸農令出

錢助長召人承募民使之瀕海人賴蛤沙地以生
豪家占之量輸稅於官復主奏蠲其稅分以予民
熙寧初知度州坐擅興師謫保靜軍節度副使後
以集賢殿修撰知荆南卒復主臨事敏決稱健吏
與人交不以利害避然輕率躁急獨爲王安石所
知故旣廢卽起

李柞豐人親喪廬墓凡二十七年

姚孝錫字仲純豐縣人政和四年登科調代州兵曹
金兵入雁門州將議以城降官屬恇怯投死無所
孝錫偃臥大齟略不爲意金帥就注五臺簿未幾

徐州府志

卷二十一

人物

三

豐

移疾去因家五臺善治生歲饑出家粟萬石以賑
多所全活晚以詩酒自娛自號醉軒所著有雞肋
集

宗汝爲字師禹豐人靖康元年金人犯京師闔門遇
害汝爲思報國家及父兄之讐建炎三年金人再
至謁部使者陳邊事遣對行在高宗嘉納特補修
武郎假武功大夫開州刺史奉國書副京東運判
程時亮使金時劉豫節制東平丞相呂頤浩因致
書豫汝爲行刺壽春遇完顏宗弼軍不克與時亮
會鍾離入其壁將上國書宗弼盛怒劫而縛之欲

麟之命軍校拔其矢

中良久乃蘇誓以死報

原路金銀鐵冶達魯花赤

謝仲温字君玉豐順廣額

歲見世祖於野狐嶺命

右丙辰城上都仲温為工

但執挺離百千人寧不

督諸將時守江軍士乏食

帝喜謂侍臣曰朕忠不

命警備仲温奉繩床帝

州府志

卷二十

至元九年遷順德路總

鸞子以償轉輸之直仲

年為淮東宣慰使歲

焉大德六年卒年八十

赤

袁遵道字叔正豐人性穎

國學四門館正字

虞集之門亦有文

部尚書中書省參知政

公

不辭然

朋遂解縛

均持願浩

均留誘

季三至

言

言

言

言

三

入蜀莫知所之

粵德化不事刑罰

日泣涕誓必復

手虞文錢端禮

積尤著

加僇辱汝為一無懼色

欲達書吐一辭死未晚

延之曰此山東忠義士

書與之開陳禍福

以官固辭遣腹心以

亡歸作恢復方畧獻

之要秦檜將械送汝

趙復徒步入蜀楊企道

除此巨蠹中原恢復有

集行世

徐州府志

卷二十

宋南強字子居汝為子因

乃徙於紹興淳祐間知

民為立碑頌德後痛父

讐隆興二年哀愬於朝

以聞高宗特蔭其子復官

宋史僅載南強之名此從舊志

元

謝睦歡豐縣人以貴雄鄉曲

城元太祖攻西 又過其城

西京睦歡力戰先登連

書史

辛必在左

領董其役帝曰汝

已未大軍圍鄂令

豹之罾魚以充食

帝聞敵軍謹謀

以行至旦不能寐

三

豐

乃荆兵江淮有寡婦

得金贖還之二十二

水塘溉民田公私賴

完冀寧等路達魯花

問以神童薦初戶

翰林學士子煥少遊

累官國子監祭酒吏

進太師右丞相贈魯國

成野賢豐人爲金鄉尹每政暇匹馬一僕循行郊陌
勸課農桑刑清事簡民安其業

明

秦英字子美豐人通經術洪武間知縣曹仲篋薦賢
良方正累徵不就

陳明善博覽羣書端方正直洪武間以明經薦累官
濟南知府年九十三卒

王正字惟中隱居教授洪武初宋濂薦明經授翰林
孔目陞瀘州知州加四品俸致仕祀各宦

王獻字廷可永樂乙酉舉人任南京中城兵馬指揮
徐州府志

卷二十

人物

三

豐

使時禁官盜劫戚里財物命捕甚急獻緝獲法司
欲有所原抗章論之竟置於法

胡寧由歲貢授濟州知州母卒廬墓三年起知葭州
勸農興學爲一方賢牧從祀鄉賢

李俊豐人由歲貢知光化縣治尚敦樸徙知靜海有
夙猾遠調以覩能否俊廉知之卽以鐵索繫至縣
杖殺之由是豪猾斂迹時邑人不知讀書率以魚
爲業俊多方化誘漸知向學治行爲諸邑最母喪
歸吏人檢舍中止俸米數升而已

周潭字德隱豐縣諸生性至孝父喪廬墓三年母歿

亦如之

李鑄張祥胡祥孔儘翟成王舜舉李保周興甫侯宗祿秦儀俱豐人正統五年各輸麥千五百石賑饑詔旌爲義民

孫榮字世華豐人性孝友家人化之同壽者五世成化五年大饑與邑人李楨各出粟千五百石以賑賴全活者甚衆詔旌爲義民

李瓊字元貴博古嗜學聚徒講授由歲貢任歸安縣丞有善政民呼曰李青天卒祀名宦

劉應元豐人澹泊無外慕負郭有隙地種柿樹千章

徐州府志

卷二十

人物

七

豐

築土室以居縣令召之不出

徐明豐人足不履城市逍遙閒遠屢空晏如壽一百七歲

劉勛豐人隱居城東邑令造請不就人稱東田先生張盛治字德甫豐人由貢生選應天訓導歷號姑熟教諭皆有名稱屢攝邑篆多惠政攝溧水時有蔭生擊殺從兄盛治執之暮夜餽金怒叱去卒寘於法盛治磊落有大節見明季紀綱廢弛嘗感憤好汲引寒士耽學至老不倦所著有枌榆正續集子逢宸亦以貢爲廬江訓導能爲古文尤工書法孫

起宗亦能文

卒死於寇難

陳邦瑞豐人嘗置

田三百畝贍給宗族差賦皆自

辦不假宗人手子孫亦能承其家法

王道充豐諸生崇禎壬午兵變邑令委守東門城陷
同子賓死之

皇甫世明字恒照貌修偉博通經史壬午之變從知
縣劉光守禦南門城破同死焉

孫操字雅持豐諸生父燦當歲饑家有麥三百石盡
散給宗族貧乏者操慷慨好施有父風明季盜起
戮力守陴竟以身殉子學海以好學聞同時殉難

徐州府志

卷二十

人物

三

豐

者有張劍字又華豐學生體貌魁梧博學有膽畧
子應詔以孝稱後中武科鄉試

本朝

孫枝芮字季長豐人事母孝明崇禎壬午城陷枝芮
四兄皆遇害守母不去及被縛大呼曰殺我誰養
吾母兵憐而釋之既得脫撫諸兄遺孤續其無嗣
者迄今子姓繁庶

劉湘字子琴豐縣貢生歷霍邱訓導丹陽教諭太倉
學正為諸生所懷所著有觀海樓集看花集蒼檜
館詩同里孫日昂劉鴻達並以貢官教諭學行皆

可稱

王星字應垣體貌修偉性樂易由歲貢知靖海垣曲
兩縣吏民懷其德

渠家圻字世交孝友醇厚父老病晨昏謹視湯藥遺
矢衣被間必躬自澣濯與兄弟友愛甚篤財物無
所私遇談人過失者卽閉口不輕語

董其正字子正邑諸生九齡失怙與後母相依家貧
窶授徒供養甘旨無缺或遠館不能晨昏至朔望
雖風雨必歸待異母弟友愛篤至課子孫嚴有過
輒加箠楚然一遇母至卽改顏承順母年九十有

徐州府志

卷二十

人物

美

豐

六及臥病躬侍湯藥衣不解帶者三月及歿道墓
側負土成墳通邑稱其孝

史應甲邑諸生樂善好施每具藥餌棺木粥糜衣被
以濟貧窮無告者有姊適沛人生二子一女而寡
貧不能自給應甲迎養於家婚其子女終姊天年
有從兄弟分產未均應甲出地助而和之

閻朴性簡素甘淡泊好讀書日坐臥小園中雖家無
儋石而心有餘閒壽一百二歲

張秉衡字岐南幼勤讀孝親試輒冠其曹雍正己酉
舉於鄉爲

爭執一語立解

指授後學多成

爲鄉里所推

李特字懋修少孤貧事母孝母病目小力不能延醫每夜泣涕騰天晨起以舌舐之不三月母目復明母歿不求仕進卒年九十三

史維岐豐縣貢生九歲居母喪哀鳴之不以道維岐趨承彌謹張感其好施濟凡族人之不能婚喪及恤之親戚子弟貧不能學者招之修學宮雍正八年歲荒河工督民力請知縣王錫問於上官得免邑

徐州府志

卷二十

人物

徐州府志卷之二十一